

جریدہ علیہ

مشیت جلیلہ اسلامیکہ جریدہ رسمیه میر

صفر ۱۳۳۸

عذر ۵۰

آیدہ برنشر اولنور

بسنجی سنہ

۴ و ۵ نجی ماده لر ایچکینک فیاتی یوکسلتیر؛ مقتدر اوله میانلر ایچمکدن صرف نظر ایدیهیلیر. صایجیلرک دارینی تحدید ایدر. بوکون هرکوشه باشنده برمیخانه آچیلقمقده در. (۶) علی ملا الناس سرخوش اولدقلری آ کلاشیلان و بونلره سرخوش اولنجیه قدر ایچکی ویرن میخانه جیلری قانون مخصوصله نقدی اوله رق تجزئه ایتک و حتی میخانه لرینی قیامق.

بو ماده حقنده ایضاحاته لزوم یوقدر. فوائدی آشکاردر. و بوکون استانبولده کی دول ائتلافیه کندی افرادینه بو یولده ایچکی ویرن میخانه جیلر حقنده بو ماده پی تطبیق ایتمکده در.

(۷) دفعاتله سرخوش اولدینی کوریلوبده لدی المعاینه آقولیزمه مبتلا اولدینی تحقیق ایدنلری خسته لقلرینک درجه سیه کوره بر مدت تیمارخانه یه و یا حبس خانه یه القا ایتک.

(۸) بالعموم ذکور وانات مکتبلرند ه حفظ الصحه درس لری میانده اوقوتدیرلوق اوزره اسپرتو و ایچکیلرک مضراتی حقنده رسملی بر رساله یازوب تعمیم ایتک.

(۹) هر طرفده ارباب اختصاص طرفدن قونفرانس لر، سینه مالر ترتیب ایتک، پایتخنده، طشرده مطبوعات واسطه سیله مقاله لر، بیاننامه لر نشر ایتک، جامعلرده، تکیه لرده مادی مضراتی، معنوی عقوباتی حقنده وعظ و نصیحتکر و یرمک.

(۱۰) آقولیزمک و امراض زهره و یه نک آفات و فلا کتلرینی مصور سیار موزهلر و سرکیلر تشکیل و تشهیر ایتک.

تجارت و زراعت نظارتی امور بیطریه
مدیر عمومی

علی رضا



[بیاننامه]

عناصر اسلامییه حتی عینی عناصره منسوب افراد مسلمیه پی برریشه باغلایان اولی رابطنه نک جبل متین اسلامدن باشقه برشی اولمادینی و بوندن بویله ده اولیه جغفی زمان یزه لسان حادثات ایله تکرار اخطار ایدوب طوررکن مع الاسف مطلوب اولان انتباهک حصولی هنوز مشاهده ایدیه میور.

دوسونيلميوركه بوقيدوحدته ايراث خلل ايدليكي آنده اونك برآرده بولنديرديني افراد امت شيرازه سي قومش بركتاك صحائف پراكنده سي كي درحال طاغلوب آياقلر آلتنده قالير عقول سليمه اصحابك هرشيدن اول دوشونه چكي جهت بر طرفدن منسوب اولديني هيئت اجتماعيه افراي آره سنده موجود اسباب تساندي تأييد وديكر طرفدن يكي يكي وسائل وحدت احضارينه منحصر اولق لازم كليركن تركيه استانبول غرته منك ۶۰ تشرين ثاني سنه ۱۳۳۵ تاريخلي نسخه سنده كوكب فاخر امضاسيله يازيلان وصاحبك احكام اسلاميه و بو احكامك استناد ايتديكي اساسات علميه و قوفسزلغني وبالنتيجه عقیده سنده كي فسادى كوسترن خاطر ده اولديني وجهله دين مين كي ذاتاً موجود اولان وتأيد الهي ايله مؤيد بولنان بر رابطه قدسيه توهينه تصدى ايتك خوصله عقل وادبه صيغمايان بر تجاوز شيعدر قالدی كه ملتك حقوق اساسيه سنى كافل اولان قانون اساسيده مصرح بولنديني وجهله دولت عثمانيه ك مبنای موجودی بولنان دين اسلامك حمايه ومحافظه سی باشلرنده خليفه معظملى بولنان رئيس حكومتلى اولديني حالد بوتون هيأت اجتماعيه ك عهده سنده متبحر بروظيفه مقدسه در بنابرین دين مينه وقوع بوله جق هر هانكي بر تجاوز ملتك كرك شرع شريف وكرك قانون اساسى ايله مؤيد بولنان حقوق مقدسه سنده تعرض ماهيته حائز اولق اعتباريله دولتك بيان موجوديته فارشى ايقاع ايدلمش الكينوك برجرم اولديني كي متجاسرى حقنده ده تعقيبات قانونيه اجراسى قوه اجرائيه ك الك مهم واك مستعجل وظيفه سيدر



اسقاط جنين حقنده بياننامه

فحشك آرتمی ، مناحك اكسيلمى ، سارى خسته لقلرك مستولى بر سير آلى ، محاربه لك بربري ولى ايتمى كي بر چوق عواملك تأثيريله نفوس اسلاميه مدھش بر صورتده آزالور . معركة حيات آيلان ملتر ايجون طيبي كوريله جك بر حال وارسه اوده نفوس موجوده لر ينك متاديا ترايددر . مدنى جمعيتلردن هانكيسنده اولورسه اولسون بو ترايدك كونك برنده توقى حادثه سي بيله اجتماعى بر مرض تلقى ايديله رك اسبابى تدقيق